



Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Broj: 01/12-02-961/22

Datum: 31.05.2022. godine

**PREDSTAVNIČKOM DOMU  
PARLAMENTA FEDERACIJE BIH**

Primljeno: 31-05-2022			
Org. jed.	Broj	Priloga	Vrijednost

Komisija za pitanja mladih Predstavničkog doma Parlamenta Federacije BiH (u daljnjem tekstu: Komisija) na 20. sjednici, održanoj 17.05.2022. godine usvojila je sljedeći dnevni red:

1. Informacija o realizaciji zaključaka Komisije,
2. Pripreme za Tematsku sjednicu Komisije.
  - a) Medijska prezentacija,
  - b) Izrada zaključaka i preporuka,
3. Nacrt zakona o mjesečnoj doživotnoj naknadi zaslužnim sportistima u FBiH, predlagači Suad Kaknjo i Adisa Kokić – Hinović
4. Prijedlog Etičkog kodeksa zastupnika u Zastupničkom domu Parlamenta FBiH, predlagač Etička komisija
5. Izvještaj o radu Fonda za profesionalnu rehabilitaciju i zapošljavanje osoba sa invaliditetom Federacije BiH za 2021. godinu, Izvještaj Upravnog odbora o poslovanju Fonda za profesionalnu rehabilitaciju i zapošljavanje osoba sa invaliditetom Federacije BiH za 2021. godinu i Izvještaj o izvršenju Finansijskog plana Fonda za profesionalnu rehabilitaciju i zapošljavanje osoba sa invaliditetom Federacije BiH za 2021. godinu,
6. Tekuća pitanja.

Na osnovu člana 44. a u vezi sa članom 68. Poslovnika Predstavničkog doma Parlamenta Federacije Bosne i Hercegovine, Komisija Predstavničkom domu podnosi sljedeći:

### **IZVJEŠTAJ**

Dana, 17.05.2022. godine Komisija je razmatrala sljedeće tačke dnevnog reda:

1. Informacija o realizaciji zaključaka Komisije,
2. Pripreme za Tematsku sjednicu Komisije.
  - a) Medijska prezentacija,
  - b) Izrada zaključaka i preporuka,

#### **AD-1. Informacija o realizaciji zaključaka Komisije,**

Predsjednik Komisije informisao je članove da su zaključci Komisije doneseni na prethodnoj sjednici realizirani, a to je da se upute pozivi za Tematsku sjednicu. Također, predsjednik je naglasio da su pristigle potvrde svih planiranih izlagača na utvrđene teme koje će se obrađivati na Tematskoj sjednici.

#### **AD-2. Pripreme za Tematsku sjednicu Komisije,**

- a) Medijska prezentacija,
- b) Izrada zaključaka i preporuka

a) Predsjednik Komisije je kratko predstavio kako bi trebalo predstaviti medijsku prezentaciju Tematske sjednice. Uz prijedloge ostalih članova, kao i partnera uz čiju podršku će se održati Tematska sjednica usvojen je plan za medijsku prezentaciju te vizual Tematske sjednice.

b) U diskusiji o ovoj tački članovi Komisije predložili su određene zaključke i preporuke na predložene teme. Usvojen je Nacrt zaključaka i preporuka koji će biti prezentirani na samoj Tematskoj sjednici. U Prijedlog zaključaka biće ugrađeni svi ostali koji budu predloženi od strane učesnika Tematske sjednice, te će isti biti upućeni Predstavničkom domu na dalje usvajanje i postupanje.

Predsjednik Komisije je prekinuo 20. sjednicu, te je predložio da se nastavak sjednice održi dan prije zasjedanja Predstavničkog doma.

\* \* \*

Dana, 30.05.2022. godine Komisija za pitanja mladih održala je nastavak 20. sjednice na kojoj su razmatrane preostale tačke dnevnog reda.

#### **AD-3. Nacrt zakona o mjesečnoj doživotnoj naknadi zaslužnim sportistima u FBiH, predlagači Suad Kaknjo i Adisa Kokić – Hinović**

Uvodne napomene i izlaganja dala je jedna od predlagača Adisa Kokić-Hinović- zastupnica u Zastupničkom domu Parlamenta Federacije BiH koja je upoznala članove Komisije sa dostavljenim Nacrtom Zakona o doživotnoj mjesečnoj naknadi zaslužnim sportistima u Federaciji BiH.

Nakon obavljene diskusije, Komisija je jednoglasno usvojila sljedeći:

#### **ZAKLJUČAK**

Komisija za pitanja mladih Predstavničkog doma Parlamenta Federacije BiH jednoglasno je podržala Nacrt zakona, te smatra da može poslužiti kao dobra osnova za izradu Prijedloga zakona. Također, Komisija predlaže Predstavničkom domu njegovo usvajanje.

#### **AD-4. Prijedlog Etičkog kodeksa zastupnika u Zastupničkom domu Parlamenta FBiH, predlagač Etička komisija**

Predsjednik Komisije je otvorio tačku dnevnog reda. S obzirom da sjednici ne prisustvuje ovlašteni predlagač, u skladu sa članom 51. Poslovnika Predstavničkog doma, članovi Komisije nisu razmatrali ovu tačku dnevnog reda.

#### **AD-5. Izvještaj o radu Fonda za profesionalnu rehabilitaciju i zapošljavanje osoba sa invaliditetom Federacije BiH za 2021. godinu, Izvještaj Upravnog odbora o poslovanju Fonda za**

**profesionalnu rehabilitaciju i i zapošljavanje osoba sa invaliditetom Federacije BiH za 2021. godinu i Izvještaj o izvršenju Finansijskog plana Fonda za profesionalnu rehabilitaciju i zapošljavanje osoba sa invaliditetom Federacije BiH za 2021. godinu**

Članovima Komisije obratio se Rijad Kremić, v.d. direktora Fonda za profesionalnu rehabilitaciju i zapošljavanje osoba sa invaliditetom FBiH. Nakon detaljnog obrazloženja, pristupilo se izjašnjavanju, te je konstatovano da Komisija za pitanja mladih jednoglasno podržava Izvještaj o radu Fonda za profesionalnu rehabilitaciju i zapošljavanje osoba sa invaliditetom Federacije BiH za 2021. godinu, te Izvještaj Upravnog odbora o poslovanju Fonda za profesionalnu rehabilitaciju i zapošljavanje osoba sa invaliditetom Federacije BiH za 2021. godinu, kao i Izvještaj o izvršenju Finansijskog plana Fonda za profesionalnu rehabilitaciju i zapošljavanje osoba sa invaliditetom Federacije BiH za 2021. godinu

**AD-6. Tekuća pitanja**

Predsjednik Komisije u sklopu ove tačke dnevnog reda još jednom se zahvalio svim članovima Komisije na radu i doprinosu održavanja Tematske sjednice Komisije „Do boljih prilika za mlade u Federaciji BiH“. Također, istakao je da se nada kako će se usvojeni Zaključci sa Tematske sjednice naći na dnevnom redu 33. Redovne sjednice Predstavničkog doma zakazane za 31.05.2022. godine.

U skladu sa članom 53. Poslovnika Predstavničkog doma za izvjestioca je određen Eldar Čomor, predsjednik Komisije.

PREDSJEDNIK KOMISIJE  
Eldar Čomor, s.r.